

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE
na Nacrt Zakona o taksi prijevozu, po zahtjevu Ministarstva saobraćaja Kantona
Sarajevo

Sarajevo
avgust, 2013. godine



Broj: 01-26-7-08-17-I/12
Sarajevo, 1.8.2013. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na zahtjev Ministarstva saobraćaja Kantona Sarajevo, Reisa Džemaludina Čauševića 1, 71000 Sarajevo, Konkurencijsko vijeće na 64. (šezdesetčetvrtoj) sjednici održanoj dana 1.8.2013. godine, daje

MIŠLJENJE

Nacrt Zakona o taksi prijevozu u Kantonu Sarajevo, usaglašen je sa Zakonom o konkurenciji.

O b r a z l o ž e n j e

Ministarstvo saobraćaja Kantona Sarajevo, Reisa Džemaludina Čauševića 1, Sarajevo 71000 (u daljem tekstu: Podnosilac zahtjeva ili Ministarstvo), podnijelo je dana 27.6.2013. godine, Zahtjev za davanjem mišljenja Konkurencijskog vijeća (u daljem tekstu: Zahtjev) zaprimljen pod brojem: 01-26-7-08-13-I/12, o usaglašenosti Nacrta Zakona o taksi prijevozu u Kantonu Sarajevo (u daljem tekstu: Nacrt Zakona), sa Zakonom o konkurenciji.

Analizom dostavljenog Nacrta Zakona, Konkurencijsko vijeće je dana 8.7.2013. godine pod brojem: 01-26-7-08-14-I/12, donijelo Mišljenje da Nacrt Zakona nije usaglašen sa Zakonom o konkurenciji.

Ministarstvo je potom dana 29.7.2013. godine pod brojem: 01-26-7-08-16-I/12, dostavilo korigovani Nacrt Zakona na ponovno mišljenje Konkurencijskom vijeću, s napomenom da su unesene korekcije u skladu s primjedbama Konkurencijskog vijeća iz prethodnog mišljenja kako slijedi:

- uklonjene su odredbe Nacrta Zakona iz člana 24., koje su se odnosile na mogućnost prenošenja dopunske taksi oznake (nasljeđivanje), jer su iste ograničavale tržište u smislu primjene različitih uslova za identične transakcije, gdje se jedan privredni subjekt dovodi u nepovoljniji položaj u odnosu na konkurenciju. Prema odredbama novog Nacrta Zakona, dopunske taksi oznake nisu prenosive;
- uklonjena je tačka a) iz člana 28. stav (2) Nacrta Zakona, koja nije bila u skladu sa Zakonom o konkurenciji radi ograničavanja tržišta zbog primjene različitih uslova za identične transakcije, gdje se jedan privredni subjekt dovodi u nepovoljniji položaj u odnosu na konkurenciju, a koja se odnosila na prednost kod istog broja bodova prijevoznika koji su u prethodnom periodu posjedovali licencu „D“;

- da je član 28. stav (3) tačka c) Nacrta Zakona, precizno definisan i isti onemogućava stvaranje novih i jačanje postojećih dominantnih položaja privrednih subjekata prisutnih na relevantnom tržištu.

Na osnovu navedenoga Konkurencijsko vijeće je ocijenilo da Nacrt Zakona ne sadrži odredbe koje mogu sprečavati, ograničavati ili narušavati tržišnu konkurenciju na relevantnom tržištu, te je isti usaglašen sa odredbama Zakona o konkurenciji.

Predsjednica

Gordana Živković